

**NATIONAL ASSEMBLY OF
SEYCHELLES**

**FINANCE AND PUBLIC
ACCOUNTS COMMITTEE**

Public Hearing

Friday 7th July, 2023

**DEPARTMENT OF
EMPLOYMENT**

**CHAIRMAN FPAC HON
SEBASTIEN PILLAY**

Bon, bonzour Departman Lanplwa. Mersi pou reponn nou lapel pou vin nou *Hearing* lo Rapor Oditer Zeneral. Pou bann dimoun ki fek zwenn nou oubyen bann dimoun ki'n war en nouvo Departman antre, Departman Lanplwa i enn bann Departman ki nou pe konsidere anba Rapor Oditer Zeneral ozordi bomaten.

Departman Lanplwa pou ganny reprezante par son *PS - Principal Secretary* Madanm Veronique Bresson.

I annan Direkter Zeneral pou *Labor Relations* Mr Steve Monnaie. I annan Direkter Zeneral pou *Labor Migration* Madanm Tara Diallo. E i annan

Manmzel Chantal Jules ki *Senior Accountant*.

Bon mon ava entrodwir Komite *FPAC*; i annan mon menm Sebastien Pillay *Leader* Lopozisyon lo Lasanble *Chairman*. I annan Onorab Terence Mondon Manm Elekte pou distrik Takamaka Vis *Chairman*.

Onorab Georges Romain, Onorab Churchill Gill, Onorab Conrad Gabriel, Onorab Sandy Arissol e Onorab Richard Labrosse. Nou pe ganny asiste avek Oditer Zeneral *dans la personne de* Manmzel Marie-Lise Pierre - *Audit Manager*, akonpanyen par Manmzel Ruth Fanchette.

Nou la pe ganny asiste osi avek Lasanble Nasyonal Sekretarya dan prezans Deputy Clerk, Manmzel Alexandria Faure, Sekreter nou Komite Manmzel Sheryl Rangasamy.

E nou pe ganny asiste avek en *staff* Lasanble Nasyonal pou fer rikord Manmzel Georgina Balette. *Ok* avan nou konmanse Manmzel Rangasamy pou fer zot pou fer prosedir pou *swear* lo Labib oubyen mannyer nou sipoze.

Mannyer mon krwar sa bann dimoun zot fer an relasyon avek pou zot dir laverite e *rien que la vérité*. Mersi Manmzel Rangasamy.

(The delegation was sworn in)

CHAIRMAN FPAC HON SEBASTIEN PILLAY

Mersi bokou Manmzel Rangasamy. Prezan mon pou pas laparol avek Onorab Mondon. Ki mannyer nou prosede bann Manm FPAC in ganny responsabilite pou zot pran en size partikilye dan departman oubyen pou en departman partikilye.

E Departman Lanplwa se Onorab Mondon ki'n ganny responsabilite pou li konmans demar bann sesyon kestyon lo sa Departman alors mon pas laparol avek Onorab Mondon.

Ki mannyer nou prosede Onorab Mondon pou demann son kestyon apre nou pou donn laparol PS si a okenn moman oule donn okenn lezot dimoun ou *panel* pou reponn kestyon ou ava sinyal mwan e nou ava donn li permisyon pou li koze. Onorab Mondon.

HON TERENCE MONDON

Mersi Mr Chair. Nou seri kestyon ki, ki'n obzerve dan Rapor Oditer Zeneral e premye nou konmans avek *paragraph* 3 a 6. I dir bann *shortcomings* bann mankman e defayans ki'n ganny obzerve dan sa *database*,

ki zot *maintain* atraver sa laplikasyon *microsoft access*.

E Oditer Zeneral in fer remarke e sa bann defayans i enkli ki bann lenformasyon napa referans - napa *benefit identification number* e i pa pe i fer li difisil pou zot kapab *link* bann lenformasyon ki konmanse avek laplikasyon epi ler in ariv lot faz pou fer *invoice*.

E i demande ki i vin en travay vreman *tedious* e i pa permet zot fer sa bon analiz lo bann lenformasyon ki'n antre. Savedir zot sistenm aktyel i annan en mankman. E larepons ki zot, zot in donner se sa nouvo sistenm i anba devlopman avek *DICT*.

E dan zot *exit meeting* zot in azoute ki an konsiltasyon avek Minister Finans e *DICT*, zot pou entrodwir en *single software* ki pou *cater* pou Lanplwa e osi Imigrasyon.

E zot in osi fer resorti ki dan lavenir, posibilite pou entegre *software* en *cashier module* pou ganny *assess* dan lavenir. E mon anvi konnen akoz ki zot pe mazin sa - dan lavenir, ler zot pe mazin sa *single software*.

Akoz zot pe mazin sa *cashier module* pou vin a lavenir, kan ozordi nou pe get lentegrasyon bann sistenm o maksimonm, pou kapab fer li

vin pli efikas e pli efektiv. E zot in dir dan enterim, bann *invoice number* zot pe ganny azoute avek sak laplikasyon, ki parey in fer sorti sa ti en, en mankman. E sa ki pou ed zot fer sa *tracking* rekonsilyasyon ki nesese.

Alors, akoz ki la ki zot in kapab war ki zot bezwen met sa *invoice number*, ler zot - avek laplikasyon ki en keksoz petet akoz zot pa'n war depi avan, zot ti devret met sa *invoice number* ki ti ava permet sa *referencing* avan? Sa i mon kestyon Mr Chair.

CHAIRMAN FPAC HON SEBASTIEN PILLAY

Mersi Onorab Mondon. Pou lenformasyon piblik ki pe swiv nou sa bann kestyon i konsern size *GOP ok?* PS.

PS VERONIQUE BRESSON

Mersi Onorab. Mersi Chair. Ankore mersi, bonzour tou dimoun ki a, ki la prezan. Onorab i byen sa ki ou'n dir - be *anyway* ou'n *summarise* sa ki Oditer Zeneral in mete dan son rapor.

Petet pou mwan donn en pti petet i en repetisyon sa ki ou'n dir, me selman donn li en pti *update*. Sa sityasyon ki manner in devlope. Akoz nou ti annan de diferan sistenm - sa

microsoft access i en sistenm entern Departman Lanplwa.

Sa sistenm nou servi ler nou ganny - kontrè i pa *GOP* but laplikasyon pou travayer etranze. *GOP* i avek Departman Imigrasyon. Ler nou ganny laplikasyon pou travayer etranze, nou fer antre dan sa *access system*.

Pou ler pou nou fer - akoz sa *process* i annan en *fee* ki vin avek - son *processing fee*. Sa ki sa larzan ki, ki nou pe koz lo la, la. So ler pou *raise invoice* pou pey sa *fee*, i ti al dan en lot sistenm *which is the cashiers module* parey ou'n dir. Prezan sa de ti napa en *link*. La, la kot sa problem in vini.

Ou'n demande akoz nou pa ti'n remarke depi avan petet sa i en fot lo nou par, ki prezan la in ganny met a nou latansyon, e sa nou pe fer.

Sa ki ou'n fer sorti ki nou ti dir nou pou fer *in the interim*, nou'n fer - nou'n amann nou sistenm ; sa *microsoft access* in ganny amande depi ler Oditer Zeneral in vini, nou'n ganny port a nou latansyon. E sa sistenm in ganny amande.

Prezan nou annan posibilite pou nou fer antre *invoice number* avek *receipt number*, ki nou ki i *link* prezan. Ki prezan nou kapab rekonsilye

sa laplikasyon i ale avek sa *invoice* avek sa resi.

So dan sa *interim* sa solisyon ki nou'n anmennen. Prezan *for the future*, sa ki ou'n dir la ki Oditer Zeneral in met in fer sorti, e sa ki Departman Lanplwa ti dir i pou fer *for the future*, in annan en sanzman *along the way*.

An 2mil - depi letan ki Oditer Zeneral ti vini, wi nou ti dir nou pe travay lo en sistenm. Minister nou ti war bann keksoz tro bokou *manual*. Prezan nou pe al *digitalise*. Depi lannen pase nou'n konmanse sa -. In konmanse depi avan me selman lannen pase nou ti ganny, nou'n travay lo bann diferan *modules* avek *DICT*.

Nou'n fini fer pou *Employment Services* ki la zot kapab zot annan sa sistenm prezan nou ti pe al *move* lo aplikasyon travayer etranze.

Me selman *DICT* lannen pase ti donn nou *go ahead*, ti dir nou, nou kapab *outsource* akoz zot, zot pa pou kapab. Sa kantite ki zot annan sa *speed* ki nou ti anvi avek zot pa la, zot pa ti pe kapab *meet* nou demann.

So zot ti donn nou - lannen pase zot ti donn nou *approval* pou nou *outsource* e sa lannen nou'n ganny Bidze avek Minister Finans pou nou *proceed* avek sa *digital system*.

En *digital system* i pou rezourd tou sa bann problem, akoz ler ou fer ou laplikasyon ou fer ou peyman an menm tan. So i annan sa rekonsilyasyon sa laplikasyon i ale avek sa *particular* peyman. So nou'n ganny Bidze pou sa lannen pou nou kapab demare.

Nou pe *proceed* avek nou demars pou nou, pou nou *go digital*. Me selman parey zot konnen Gouvernman in anonse sa lannen, poudir i pou annan en *Government Portal* ki i pe *come up*, avek ki i annan serten lotorite dan Gouvernman ki pou al dan en *portal* Gouvernman Santral.

E nou, nou Departman i enn sa Departman ki pou al dan sa *portal* Gouvernman Santral. E sa i spesifikman pou sa rekritman travayer etranze.

So prezan pou nou, nou prop sistenm ki nou'n ganny Bidze pou sa lannen, nou pe fer lezot nou bann lezot sistenm ki nou anvi fer li *digital*. Me selman sa bout pou travayer etranze, sa pou al dan *Government Portal*.

Demars i *ongoing* depi boner sa lannen - mon krwar ti konmans Fevriye - e prezan nou pe mazine poudir *by this year* nou pou annan; Gouvernman pou'n fini demark son sistenm, ki nou pou kapab rezourd tou

sa sityasyon ki ... nou pe rankontre la.

CHAIRMAN FPAC HON SEBASTIEN PILLAY

Onorab Mondon.

HON TERENCE MONDON

Mersi Mr Chair. *PS* mersi pou ou leksplikasyon. Mon kontan ou'n war ki pe fer en kantite travay pou met en sistenm pli modern - *digitalised* an plas. E mon kestyon se lo kote *processing fee*, si ou kapab dir nou konbyen i koute pou *process* bann laplikasyon bann travayer etranze?

E an tou konbyen zot anmase an mwayenn dan en lannen? Mersi.

PS VERONIQUE BRESSON

Ok. Sa mon ava pas avek Direkter Zeneral pou *Labor Migration*, i a kapab donn zot sa lenformasyon. *I'm not sure* si i pou annan kantite nou anmanse dan en lannen sa nou kapab donn zot apre byensir.

Anr ou annan *ok* i ava reponn.

CHAIRMAN FPAC HON SEBASTIEN PILLAY

Mersi *PS*. Madanm Diallo, *thank you*.

DG FOR LABOUR MIGRATION TARA DIALLO

Bonzour tou dimoun. An term kou aplikasyon pou travayer etranze par aplikasyon i R150 e si i annan *appeal* ki vini sa i en kou R250. An zeneral an 2021, si mon koz an term - mon pou annan pou kontra. Kontra Atestasyon tou i en *fee* ki nou anmase li i 750.

Mon pou annan kontra ki sa nou ti anmas 5.9milyon sa in ogmante 2022 pou 6.6milyon. Si mon kontinyen petet sa i kapab donn zot en pti, en pti lide. An term pos ki'n ganny *apply*, sak bann laplikasyon ki'n vini.

Laplikasyon par pos pou 2022, apepre 16mil pos ki'n ganny *apply for* e aprouvasyon sa i 14mil300 ki'n ganny aprouve. An 2023 ziska la lafen Zen, i annan 8mil167 pos ki'n ganny demande. Sa i parey mon'n dir *applied for* e laprouvasyon *up until now* i annan 6mil349 laprouvasyon ki'n ganny donner.

PS VERONIQUE BRESSON

Ok, so savedir pou laplikasyon parey ou'n demande Onorab, sa nou kapab fer zot gannyen kantite dan en lannen. Nou a donn zot pou detrwa lannen kantite Gouvernman i anmase

avek sa bann *processing fee*.
Mersi.

**CHAIRMAN FPAC HON
SEBASTIEN PILLAY**

Mersi PS. Mersi Onorab Mondon. Mon pou donn laparol prezan Onorab Arissol.

HON SANDY ARISSOL

Mersi Mr Chair. Mon ti anv zis en pti klarifikasyon lo sa ki Ms Diallo in dir. *In regards to* sa R150 *per application* mon ti anv ganny sa pti klarifikasyon? Sa i pou sa laplikasyon ki letan...

**CHAIRMAN FPAC HON
SEBASTIEN PILLAY**

PS?

PS VERONIQUE BRESSON

En aplwayer *yes*.

HON SANDY ARISSOL

En anplwayer R150 nou pe koze. Be ki dernyen fwa in revize sa, sa R150? Parske letan mon pe get en *character certificate* ozordi mon krwar R200, kart idantite si ou perdi mon krwar ou pey R150 kot Kordgard, ou pey R50 pou lot - konmsi avek tou zot kou ki en endividi i peye.

Be ki dernyen fwa in revize sa 150? Mersi Mr Chair.

**CHAIRMAN FPAC HON
SEBASTIEN PILLAY**

Ok mersi bokou Onorab Arissol.
PS?

PS VERONIQUE BRESSON

Mon a pas avek Madanm Diallo.

**CHAIRMAN FPAC HON
SEBASTIEN PILLAY**

Madanm Diallo?

**DG FOR LABOUR MIGRATION
TARA DIALLO**

Mon pou napa sa lenformasyon me selman nou kapab verifie *how far back*.

**CHAIRMAN FPAC HON
SEBASTIEN PILLAY**

Zot kapab verifie e fer nou gannyen.

**DG FOR LABOUR MIGRATION
TARA DIALLO**

Yes.

**CHAIRMAN FPAC HON
SEBASTIEN PILLAY**

Ok zis nou bezwen fer sir ki nou note rikord pou nou, pou nou *follow up*, ki nou pe rod lenformasyon lo ki dernyen fwa sa *fee for* pou laplikasyon ki R150 in ganny revize, prenan kont ki bann lezot *fees* in monte e probableman kou *processing* osi in monte osi. Akoz tou keksoz i monte

proporsyonnelman avek
sityasyon ok ? Mersi.

PS VERONIQUE BRESSON

Me selman si ou permet mon Onorab, dan nou plan nou -. Parey ou konnen nou Lalwa Lanplwa pe revize so i dan nou plan pou reviz bann *processing fees* e sa i lo plan osi.

CHAIRMAN FPAC HON SEBASTIEN PILLAY

Ok mersi. Onorab Romain?

HON GEORGES ROMAIN

Mersi Mr Chair. PS bonzour avek ou delegasyon. Ler mon'n ekout ou ler mon'n tann ou nonm *Government Portal*, sa osi mon krwar mon'n tande resaman nonm lo televizyon ase *recently*.

E ou'n mansyonn sa bout kot travayer etranze pou al laba. Sa bout pou tonm kot zot nou pe koz sa zafer *GOP* mon prezimen?

PS VERONIQUE BRESSON

Laplikasyon...

HON GEORGES ROMAIN

Laplikasyon.

PS VERONIQUE BRESSON

Laplikasyon ki vin kot nou.

CHAIRMAN FPAC HON SEBASTIEN PILLAY

Onorab-Onorab-Onorab, demann ou kestyon.

HON GEORGES ROMAIN

Ok mon a kontinyen.

CHAIRMAN FPAC HON SEBASTIEN PILLAY

Demann ou kestyon apre nou ava PS ava reponn.

HON GEORGES ROMAIN

Ler mon pe regarde par egzanp zot dir lo kote bann ler zot fer laplikasyon, oubyen si bann kontra e ler sa *GOP* i ganny *issue*, napa sa *leakage* ki zot dir i kapab *monitor* pou fer sir ki sa dirasyon sa *GOP* i baze lo sa kontra.

Akoz ennler nou konnen bokou dimoun dan pei kekfw a zot pe travay san en *GOP* e byensir sa ou perdi reveni. E koriz mwan lo sa bout si mon'n byen tande sa *Government Portal*.

Eski sa bout pe al tonm direk kot *Government Portal*? I pa pou tonm kot zot, aköz mon krwar zot dir sa larzan prezan zot pe al fer en lot keksoz avek, ki ti - ki zot, zot ti pe al fer sa *digitalise*. Si sa bout pe al tonm kot sa *Government Portal* ki pou napa nanryen pou fer avek zot? Mersi Mr Chair.

**CHAIRMAN FPAC HON
SEBASTIEN PILLAY**

Ok en moman, savedir ou pe koz lo rekonsilyasyon apre ou pe koz lo sa *portal*? Ok? Ale PS, mersi.

PS VERONIQUE BRESSON

Ok, zis pou mon klarifye sa *Government Portal* sa i en sistenm ki Gouvernman pe met an plas. Pou annan detrwa lotorite ki pou *link* dan sa *portal*. Sa sistenm pou reste pou nou. Pou reste ek Departman Lanplwa li.

I zis ki en dimoun ler i pe vin *apply* - travayer etranze i pou al dan sa *portal*. I pou al dan sa lafas avan apre li i swazir kote son servis ; konmsi sa bann servis ki pou lo sa *portal*.

Prezan li i pou swazir servis ki li i pe rode avek Gouvernman. Si i pe rod *apply* travayer etranze, i ava annan nou lafas lo sa *portal* e li i ava antre dan nou sistenm pou li *apply* sa travayer etranze.

Bann dimoun ki en pti pe pli byen dan *IT* i kapab eksplik sa en pe pli byen ki mwan. So *this is* sa en pti pe ki manner i pou été. So i pou *still* anba nou, nou responsabilite i zis ki *instead* annan sa sistenm pou

nou, nou pou al lo en sistenm Gouvernman an antye.

**CHAIRMAN FPAC HON
SEBASTIEN PILLAY**

Mersi. Non, non Onorab ou a ganny sans eklersi ; sak Manm i ganny sans demann en kestyon. Onorab Gabriel apre mon a retourn kot ou Onorab Romain.

HON CONRAD GABRIEL

Mersi Mr Chair. Bonzour tou dimoun a lekout. Bonzour PS. Zis mon ti oule konnen ki manner zot rekonsilye bann dokiman, pou bann rekritman pou bann travayer etranze? Mersi.

PS VERONIQUE BRESSON

Si ou kapab klarifye Onorab, *sorry*.

**CHAIRMAN FPAC HON
SEBASTIEN PILLAY**

Mon krwar sa ki i pe demann ou se ki an relasyon avek sa ki Onorab Romain in demande, *issue* ki'n ganny war se ki pou zot rekonsilye avek sa *GOP*, son *length* ki i sipoze pran e son kontra ki'n gannyen.

So *currently* ou'n dir nou poudir i annan diferan sistenm ki pe met an plas, la ki manner zot pe rekonsilye la pou le moman la *as it stands* la?

PS VERONIQUE BRESSON

Ok, savedir pou konmanse sa travayer sa anplwayer i vin kot nou i *apply* son dimoun. I *apply* pou *recruit* son travayer etranze, i bezwen pey sa *processing fee*. Pou le moman la parey mon'n dir, *in the interim* ki nou pe esper sa *digital system*, lo nou *access system* avan nou ti pe zis fer antre sa laplikasyon, apre nou al dan en lot sistenm pou nou *raise invoice* ek apre pou nou donn resi.

Nou ti napa sa pou nou *go back to* sa laplikasyon, ki ler odit i vini i war poudir be *ok* sa laplikasyon la, la son resi la, la son *invoice* e sa *fee* ki'n ganny peye i pou sa *particular* laplikasyon.

Sa ki ti en mank ki Oditer Zeneral in detekte. Prezan la ki nou'n fer nou'n, nou'n bezwen re amann nou *access system*, ki ler nou'n fini fer antre sa laplikasyon, ler i al dan sa lot sistenm pou nou *raise* sa bann keksoz.

Prezan nou bezwen *go back to* nou sistenm, pou nou *input* sa bann *receipt number*, *invoice number*, pou fer sir ki la prezan sa de lenformasyon, i koresponn ek kanmarad. *This is the issue*. Prezan mon pa

konnen si mon'n fini reponn Onorab oubyen?

CHAIRMAN FPAC HON SEBASTIEN PILLAY

Ou'n fini reponn be selman mon krwar Onorab Romain son bann *queries* ti pe en pe dan menm lanniy. So Onorab Romain.

HON GEORGES ROMAIN

Mersi Mr Chair. Egzaktaman ti enpe dan menm laniry ki mon ti pe al demann ou. Akoz mon ti pe demann ou sa dan sa kestyon – mon ti pe demann ou ou pa ti ankor reponn. Me selman ler par egzant parey mon ti pe dir, sa kontra baze ek sa *GOP* - mon konnen Imigrasyon osi i antre ladan - ki manner, akoz zot pe al *digitalise* zot dir, zis sa pou marse apre byensir i pou *flag*.

Be la pou le moman ki manner zot pe konnen, si sa *GOP* baze ek sa kontra i bezwen annan enn ki pou *expire*, ki sa dimoun ki - ki manner zot pe konnen ki sa kontra in *expire*, ki selman i annan en dimoun ki ankor *still* dan pei *without* en *valid GOP*? Se sa mon kestyon prezan.

PS VERONIQUE BRESSON

Ok, lo kote *valid GOP* sa i lo kote Imigrasyon en? I pa dan nou

sistenm pou nou kapab *monitor* ler en *GOP* en pe *expire*. Akoz *GOP* i ganny *issue* by *Immigration Department*.

So i zot i anba zot manda, pou zot annan zot sistenm pou detekte kan en dimoun son *GOP* pe fini. Nou ki nou regarde ler nou'n fini aprouv en pos, sa anplwayer i annan responsabilite pou anmenn kontra kot nou pou ateste.

Ler sa kontra i anmennen pou ateste, i bezwen annan en kopi sa *GOP* avek. Nou, nou responsabilite pou fer sir ki napa enn ki desot lot. Ou konpran ki mannyer mon pe dir?

Savedir si ou *GOP* i date le 1 Zanvye 2023 i fini le 31 Desanm 2025, ou kontra i bezwen dan sa peryod letan. Sa ki nou, nou regarde. *Once* nou, nou fini ganny sa kontra, nou'n fini ateste nou'n fini avek sa *process* nou. *You get me?*

Sa travayer etranze prezan *of course*, parey tou travayer Sesel, i a ganny *followed* ler nou fer nou bann lenspeksyon, pou regarde si i annan - son *welfare* i byen, si i byen *or not*.

Sa *GOP* ler i pe *come to an end* la sa i responsabilite Imigrasyon, pou fer sir sa travayer etranze i annan li en *valid GOP* pou li reste dan pei. Ou konpran Onorab? I annan

en kantite travayer etranze dan pei, nou pa kapab pran - Minister Lanplwa pa kapab - Departman Lanplwa pa pou kapab pran sa responsabilite an plis pou al *monitor GOP* ler i fini.

E sa akoz *GOP* i anba Lalwa Imigrasyon, sa i son responsabilite.

CHAIRMAN FPAC HON SEBASTIEN PILLAY

Ok Onorab Romain.

HON GEORGES ROMAIN

Mr Chair si ou permet mwan. Mersi *PS*. Mon konpran lo sa bout. Mwan, mon kestyon vremen, mon ti pe tous kekfwa mon'n mal eksplik ou - kontra ler i vin kot zot - sa anplwayer i vin kot zot pou fer sa kontra, pou li ganny *issue* sa *GOP* atraver Imigrasyon, zot dan zot sistenm ler zot pe *endorse* sa kontra pou zot kapab sa dimoun apre i ganny son *valid GOP*.

PS VERONIQUE BRESSON

Non in fini gannyen.

CHAIRMAN FPAC HON SEBASTIEN PILLAY

Wi, in fini gannyen, be zot kontra ler i vin kot zot, zot pou konnen sa dimoun pou al ganny en *GOP* laba pou 2an,

dizon. Zot kontra ki ek zot eski zot annan en fason i *flag* apre 2an ki zot konnen sa kontra in fini?

Prezan sa zafer *GOP* sa en lot zafer, me selman dan zot sistenm eski zot annan en fasilite ki *flag* tel lakonpanyen, tel travayer son kontra in terminen? *In exempt*.

PS VERONIQUE BRESSON

Non pou le, non pou le moman nou napa sa *process*.

HON GEORGES ROMAIN

Ok, mersi.

CHAIRMAN FPAC HON SEBASTIEN PILLAY

Be sanmenm sa, sanmenm sa avan mon demann mon kestyon Onorab, Onorab Labrosse. Se sa ki nou pe, nou pe sey, nou pe sey tyonbo la. Mersi.

HON RICHARD LABROSSE

Ok mersi Mr Chair. Bonzour *PS* avek ou delegasyon. *PS* mon'n ekout ou tre byen ek bann larepons ki ou'n donner e mon'n osi rekonnèt serten zefor osi ki ou pe met an plas.

Me selman mon kestyon i konsernan sa mon retourn ankor lo sa *database microsoft access* la. Ki zot dir *has no link to the cashiers* mon ti anvi konnen konmsi ki konbyen

lannen oubyen letan, ki zot ti pe *operate* koumsa?

Akoz mon pe santi ki i annan en pti pe keksoz ladan, ki mon pa tro konfortab avek. Apre swivan larepons ki Ms Diallo in donner konsernan demann lo travayer nou'n dir apepre 8mil 100 ekek apepre la demann la *actually*.

E sa ler ou'n dir apre i annan en laplikasyon R150 ki pou vin avek. E ou'n dir zot napa larepons, zot napa lenformasyon lo kan ki dernyen revizyon ti ganny fer.

Mon ti a kontan konnen dan ki bann domenn spesifik li menm ki annan sa demann? Rezon ki mon pe demann sa aköz, si *well*, mon pa pe soz ou larepons ki ou pe donn mwan.

Mon mazine, *actually* Sesel i annan en pe demann dan konstrikasyon, mon pe mazine ki *actually* i annan en bon pe bann gro lakonpanyen Sesel ki pe *operate* dan konstrikasyon, ki pe anmas enta reveni. E ler nou pe koz en R150 par laplikasyon, mon krwar pei li menm li pe perdi en pe e osi dan enlot kote kekfw a i pa pe ankouraz osi *labor - local labor market*.

Mon ti a kontan konnen kote lo sa kote, ki bann prosedir ki zot fer pou ler zot pe al lo sa konteni aprouvasyon konmsi,

ki bann kriter kle ki zot gete ladan? Mersi.

CHAIRMAN FPAC HON SEBASTIEN PILLAY

Mon pou donn serten gidans PS, mon krwar premye kestyon Onorab i pertinans an relasyon i kapab annan keksoz ki'n arive vi ki sa de dokiman pa *link*. Me lo dezyenm kestyon Onorab, Onorab pe rod en deba.

Nou bezwen *careful* pou nou pa ganny en deba, akoz nou annan lezot size ki nou le trete. E sa size *GOP* avek son *link*, sa i en keksoz ki nou pou bezwen - nou pou fer ou adrese pou donn nou bann dokiman pou *provide*. So lo sa dezyenm bout lo ki bann *areas* ki zot demann plis dimoun, mon a les zot reponn sa.

Me selman nou pa pou kapab al dan en deba lo sa akoz, Onorab Arissol in fini kestyonn sa size *fee* e laplikasyon pou - e peyman sa laplikasyon sa *application fee*. So PS mon a les ou reponn sa bout kestyon *and then* nou pou retourn kot Onorab Mondon, pou nou kontinyen avek lezot kestyon. PS?

PS VERONIQUE BRESSON

Ok, Onorab ou premye kestyon ti *about* i ti konsernan kantite letan nou annan sa sistenm.

Oule konn pou tou lede sa *cashier's module* avek sa *Access*, ok.

Pou sa larepons pou vin kot pou *cashier's module* i bezwen *Accountant* ki ava donn en larepons apre pou sistenm pou nou *input* lenformasyon lo laplikasyon ki vini, sa Madanm Diallo ava reponn. Mersi.

CHAIRMAN FPAC HON SEBASTIEN PILLAY

Mersi. Madanm Diallo?

DG FOR LABOUR MIGRATION TARA DIALLO

Pou sa *access* li i annan apepre li 2an edmi a 3an ki nou pe enplimant *the Access system itself*.

CHAIRMAN FPAC HON SEBASTIEN PILLAY

Mersi. Bon nou ava retourn kot Onorab.

SENIOR ACCOUNTANT CHANTAL JULES

Pou sa *cashier's module* *apparently* depi 2019 in ganny enstale kot Departman Lanplwa.

CHAIRMAN FPAC HON SEBASTIEN PILLAY

2019 in ganny enstale.

SENIOR ACCOUNTANT
CHANTAL JULES

Yes.

CHAIRMAN FPAC HON
SEBASTIEN PILLAY

The main issue la ki zot bezwen reasir nou se ki Oditer Zeneral li son konsern i se ki, antretan ki ou bezwen fer sir poudir ou bezwen *go back* prezan regarde si *within the process of* bann laplikasyon peyman, ki tou laplikasyon i annan en peyman. Zot ti ganny en konpran mwan la ?

Akoz si napa okenn mankman ant le de. Be dan labsans annan sa rekonsilyasyon ki ti pe ganny fer avan, i en problem pou nou. Be *going forward* nou bezwen *monitor*, akoz menm ler nou pe dir nou'n aprouv 16mil nou'n aprouv 14mil, pran 14mil par par 150.

Nou ganny en lide konbyen larzan nou pe koz lo la an totalite an se ki konsern travayer e bann laplikasyon. I pa pou zis en lannen sa - i *over* en *whole period of time*. Bon, Onorab Mondon.

HON TERENCE MONDON

Mersi Chair. Nou lot seri kestyon i konsern i relye avek repartriyasyon en *deposit* pou *repatriation* ler travayer

Seselwa i Seselwa i travay aletranze.

E sa larzan i ganny depoze dan en *account* kot Trezor e dapre obzervasyon Oditer Zeneral, i annan en sonm R442mil181 e i napa okenn kou rekonsilyasyon ki'n ganny fer.

E dernyen peyman ti R6mil ki ti ganny fer an Zen 2018, e repons ki zot in donn nou se sa ti en *ex Employment Services* ki ti pe *manage* sa. Epi la ki'n vin *Employment Promotion Division* e zot napa rikord lo bann lo sa larzan an plis ki sa.

E dezyenmman, sa provizyon legal ki ti permet sa peyman dan sa *deposit account*, in fini ganny *appealed*. E ankor zot in fer *caution* se ki pou nou *close* sa *account*, akoz i annan bann *returning residents* ki pe retournen ki pe *claim* zot *deposit*.

Petet zis dir nou ozordi, ki mannyer zot, zot pe aksepte en *claim* si zot napa bann nouvo rikord? Ki mannyer sa pe marse? Mersi.

CHAIRMAN FPAC HON
SEBASTIEN PILLAY

Mersi bokou Onorab Mondon.
PS ?

PS VERONIQUE BRESSON

Wi Mr Chair. Avan mon al lo sa pwen, permet mon klarifye en pti keksoz lo sa enn avan, oubyen ou krwar mon pou al ouver en lot deba? Mon ti anvi zis fer konnen poudir sa ki Oditer ...

**CHAIRMAN FPAC HON
SEBASTIEN PILLAY**

Fodre ou demann mwan permisyon apre ou ale.

PS VERONIQUE BRESSON

Ok ale, sorry.

**CHAIRMAN FPAC HON
SEBASTIEN PILLAY**

Ale fer.

PS VERONIQUE BRESSON

Mon ti anvi zis klarifye poudir sa ki Oditer Zeneral in detekte, se ki nou ti napa sa- Nou pa ti pe kapab rekonsilye sa bann dokiman. I pa vedir ki larzan i manke, en? Kontrer *it's not the case*. Napa larzan ki'n travay laplikasyon in vini, nou pa kapab *account for* oli larzan.

Larzan i la, zis ki bann dokiman nou pa ti pe so- So sa nou'n dir nou pou aranze *in the future*.

Prezan lo lot topik *repatriation* sa i en keksoz ki mon krwar in deza leve ankor avan dan lezot Rapor Oditer Zeneral. I en sityasyon ki

konman en Departman nou pou bezwen asize diskite ek Minister Finans, *what's the way forward*.

Pou mwan donn en pti *background* lo la, dan bann lannen '80 ler Lalwa Lanplwa ti vin an mars, ti annan en provizyon pou bann travayer Seselwa ki ti pe al travay aletranze ; par egzanp *Beirut, Bahrain* nou ti annan bann madanm ki ti al travay dan lepase. Ti annan - i annan en provizyon dan Lalwa - ti annan en provizyon sa in ganny *repeal* 2006. Sa ti konmans avek Lalwa Lanplwa 1990.

Ki sa bann endividi ti bezwen met en *deposit* avek Gouvernman, anka zot bezwen ganny *repatriate*, si zot pa byen dan sa pei. So sanmenm sa, sa *amount* ki zot war la, zot pe ganny *refund* sa bann 6mil. Zot ti bezwen pey sa R6mil - R6mil ler zot retournen si pa'n ganny servi zot, zot pa'n - Gouvernman pa'n servi pou fer zot vini, zot kapab fer zot *submit* en *refund*.

Selman son sityasyon ek sa kont, se ki i telman en kantite lannen pase, telman i annan kantite sanzman, Minister bouz isi bouz laba, sanze - pa pe fer leskiz -be selman *this is* - sa bann keksoz koumsa i arive.

Rikord sa bann *deposit* nou napa. Personn pa pe war oli rikord ki en dimoun in vini, nou'n donn li en resi.

CHAIRMAN FPAC HON SEBASTIEN PILLAY

Ou napa rikord bann endividi ki'n fer sa *deposit*.

PS VERONIQUE BRESSON

Wi ki'n fer sa *deposit* nou napa sa rikord. Selman sa larzan i la dan sa kont; sa 400 ekek mil ki ou'n dir i la dan sa kont. Prezan en dimoun ler - nou bezwen *rely* prezan lo en dimoun ki vin fer son *claim* pou son *refund*.

Dokiman ki nou pe *rely* lo la pou konfirman, akoz vi ki nou napa son rikord pou konfirman ki vre sa dimoun in fer en *deposit*, i bezwen anmenn nou en resi - son resi ki date dan lannen '80, '90 an montan.

So ou kapab mazine akoz nou pa pe ganny sa kantite *request* pou *refund*, akoz en endividi petet pou annan en resi ki *date* sa *far back* i pou en pti pe difisil. So sanmenm sa ki mon'n dir nou pou bezwen asize ek Minister Finans, pou nou deside *the way forward* konsernan sa.

Akoz sansan sa kont, sa kont i zis i pou la. Sa larzan i la, i *secure*. *In fact* i pa dan nou sistenm, i dan sistenm fFinans.

So selman dimoun dan bann endividi i vin *claim* kot nou, akoz nou, nou bezwen sertifye apre la nou anvoy kot Trezor pou Trezor fer sa *refund*.

So sa i sityasyon ki nou, nou war nou ladan ozordi. E parey mon'n dir i en keksoz ki nou bezwen asize diskite *what's the way forward*.

CHAIRMAN FPAC HON SEBASTIEN PILLAY

Mersi bokou PS. Onorab Arissol?

HON SANDY ARISSOL

Mersi Mr Chair. Mersi PS. Mon, mon kontan sa size *in regards to* - ou konnen letan manman li menm li ki Gouvernman, i pa kapab *provide* resi, dokiman pou son zanfan, prezan zanfan i annan i sa dimoun ki'n al voyaze aletranze.

Selman mon kontan sa bout ki ou pe dir PS, kot i pou annan sa travay ant zot avek Minister Finans, pou gete ki mannyer e bann dimoun i pe swiv la, zot pe ekoute Mr Chair. Zot pe gete lo radyo - pe ekoute, pou asire. So-

Be letan - kan, kan ki sa travay pou komanse? Parske mon asire letan nou pe koz bann dimoun ki'n al travay

Bahrain, lezot landrwa nou pe koz kantite lannen pase.

Petet i annan ki'n al lo laz, konmsi ki kantite ki vitman sa travay pou ganny fer e pou asire ki Minister Finans avek ou Minister, zot kapab fer sa travay en pe boner pou ki sa dimoun ki'n al travay a ganny *back* son pti R6mil? Ki ozordi en kantite larzan, pou li pa ferm son lizye san sa.

Dezyenmman, eski dan sa bann travay zot pe osi mazin bann lezot dokiman par egzanp, par egzanp si ou annan ou'n anmas ou paspor, parske i annan dimoun ki anmas son paspor, akoz i kontan sa stanp, sa pei i ladan en pti portre kot in debout avek Prens mon pa konnen *Bahrain*?

Konmsi bann pti souvenir ki kapab - parey nou ti fer Mr Chair avek bann Larzan Tarmak kot ti annan bann temwen ki ti kapab vin devan - en *supervisor* en lot dimoun konmsi en affidavit pou asire ki bann dimoun i rekiper sa pti benefis. Mersi Mr Chair.

**CHAIRMAN FPAC HON
SEBASTIEN PILLAY**

Wi, mon krwar se sa ler nou pe ekout ou sa kont pa pou ganny *dealt with* parey i devret ganny *dealt with*. So rekomandasyon ki nou, nou pou fer, ki nou oule

met lo rikord la, se ki ou bezwen met an plas en striktir entern pou *deal* avek sa sityasyon.

Ler sa Lalwa ti ganny *repealed*, bann dimoun ti arete fer sa kontribisyon.

PS VERONIQUE BRESSON

Wi, in arete 2006.

**CHAIRMAN FPAC HON
SEBASTIEN PILLAY**

So ou bezwen, ou bezwen pran *from* 2006 prezan, retourn *back to* 1980 e la aprezan bann dimoun ki vini, i bezwen kapab prouve poudir ler zot, zot ti ale, zot ti al sa lannen spesifik. Akoz si ou ti pe ale sa lannen, ou ti bezwen fer sa peyman otomatikman.

PS VERONIQUE BRESSON

Sa i en keksoz ki nou bezwen regard osi si i otomatik.

**CHAIRMAN FPAC HON
SEBASTIEN PILLAY**

Egzakteman. So, ou bezwen si en legzersis legal si sa pa ti leka i met ou dan en lot problem akoz ki-

PS VERONIQUE BRESSON

Wi akoz sansan nou pou *refund* dimoun, apre nou pou napa larzan pou sa bann...

**CHAIRMAN FPAC HON
SEBASTIEN PILLAY**

Vwala nou pa ti a kontan ki...

PS VERONIQUE BRESSON

...*genuine cases*.

**CHAIRMAN FPAC HON
SEBASTIEN PILLAY**

...nou pa ti a kontan en dimoun ki pa en *genuine claimant* i vin devan i *claim*.

PS VERONIQUE BRESSON

Exactly wi.

**CHAIRMAN FPAC HON
SEBASTIEN PILLAY**

E apre en dimoun ki en *genuine claimant* i vini.

PS VERONIQUE BRESSON

Yes, yes.

**CHAIRMAN FPAC HON
SEBASTIEN PILLAY**

E li i pa ganny son larzan.

PS VERONIQUE BRESSON

Yes so tousala nou bezwen fer atansyon.

**CHAIRMAN FPAC HON
SEBASTIEN PILLAY**

Mon krwar sa i ase pou adres sa size. Mon ava kontinyen avek Onorab Mondon.

HON TERENCE MONDON

Mersi Chair. Nou lot seri kestyon i konsern *wages and salaries* ki ganny depoze kot departman i napa bann dokiman pou *substantiate*, ki zot pa'n fer rekonsilyasyon. Zot pa'n zanmen fer rekonsilyasyon dapre obzervasyon Oditer Zeneral.

E zot in dir ki zot annan 25 *active cases* e sa nou pe koz bann *deposit* ki konsern saler ler i annan en *dispute* ant travayer avek anplwayer. E osi bann benefis kan i annan lanmor en travayer pou avan ki annan sa distribisyon avek bann *heirs*, bann zeritye sa i ganny tenir sa dan sa kont.

Eskaan ler bann *proceeding* legal i ganny fer - si mon'n konpran li byen. Aprezan sa kont ou sipoze fer rekonsilyasyon. Petet donn nou en *update* lo la ki travay in ganny fer e ki *the way forward*. Mersi.

**CHAIRMAN FPAC HON
SEBASTIEN PILLAY**

Mersi Onorab Mondon. *PS?*

PS VERONIQUE BRESSON

Ok mersi Onorab. Pou sa enn kont, parey ou, ou pe dir *you're right*, i konsernan *death benefits* apre bann *settlement* ki bann lagreman ki nou - ki bann sa de parti anplwayer ek

travayer ler zot *reach* en *agreement*, dan *process* medyasyon, ler i annan en *grievance*.

Ou konnen, sa sityasyon i en pti pe - mon pe rod en fason pou mwan dir sa travay pou nou rekonsilye la i masiv, wi. Akoz sistenm peyman pou Minister dan sistenm ler en dimoun i fer en peyman i pou tou – ou konnen?

Konmsi nou pou bezwen - i pa pou zis dan sa kont, kekfw *Accountant* i ava koriz mwan si mon mal.

Dan sa kont nou bezwen al, nou bezwen al fouy vreman o profon pou nou al war be sa serten peyman ti fer pou sa serten sityasyon konpran? Selman kekfw pou reasir zot, se ki *both processes* nou'n arete fer depi sa. Depi premye kar 2022 nou'n arete, sa ti annan en Lalwa ki ti ganny entrodwir konsernan *death benefits*.

I annan en Lalwa ki ti ganny entrodwir, ki sa responsabilite i pou reste avek sa anplwayer pou li al rode lekel *heirs* sa travayer, e pou li rod konsey legal ki mannyer sa larzan pou ganny distribye. Sa rol ki Minister ti pe fer, la nou pe kit avek anplwayer.

E mon pa konnen si bann Onorab i mazin byen, sa Lalwa ti vin devan *National Assembly*.

Kot prezan nou pe permet en travayer determinen lekel ki mon anvi ganny mon larzan, dan sa *unfortunate* sityasyon mon mor.

So sa anplwayer i son responsabilite pou li fer son tou son travayer dir lekel ki ou pou ganny ou larzan. Fer tou son *process* prezan ler i a dir sa sityasyon i arive, prezan li zis i pran sa larzan i donn son met. So nou'n arete fer sa depi premye kar 2022.

Sa lot *process* osi ki pou *settlement* pou medyasyon, li osi nou'n arete antre ladan. Nou pe kit ek sa de parti. Si i annan en *settlement* ki arive zot siny tou bann dokiman legal, ki nou, nou merite zot sinyen me selman *when it comes to exchange of sa settlement* sa zot fer antre zot.

Zis pou nou pa ganny aret ganny sa bann - aret ganny sa bann problem. Konnen dan lepase menm pou sa larzan dimoun - larzan lanmor, napa Lalwa ki dir nou, nou devret fer sa. Nou ti pe fer sa - sel Lalwa ki ti dir nou fer se pou lo zil.

Be selman nou, nou ti pe fer pou pei antye. Nou ti pe fer sa zis pou donn sa servis. Me selman apre nou ti santi poudir *ok let's-* annou modernize la prezan annou aret fer sa bann keksoz ki nou pa devret pe fer,

nou'n donn avek son met pou li fer son keksoz.

So lo pou sa kote, nou annord la. Napa sa sityasyon me selman pou *go back* lo ou pou nou al rekonsilye, Onorab pou pran en pe letan. Sa ki mon ti anvi dir depi konmansman selman mon'n sa.

Nou pa ankor fini. I pou pran en pe letan, aköz lezot priyorite - lezot keksoz ti pran priyorite lo nou.

CHAIRMAN FPAC HON SEBASTIEN PILLAY

Basically ou'n dir nou, i pou pran en pe letan, apre ou'n eksplik nou pou ou sey fer nou konpran ki mannyer i pou pran en pe letan. Sa ki nou'n konpran, se i pou pran en pe letan.

PS VERONIQUE BRESSON

Me, selman i en louvraz ki *ongoing* Mr Monnaie non? *It's ongoing* Mr Monnaie kekfwa i a kapab - *yes*.

CHAIRMAN FPAC HON SEBASTIEN PILLAY

Si i en louvraz ki *ongoing*, sel kestyon ki nou'n demann ou...

PS VERONIQUE BRESSON

Yes, it is ongoing.

CHAIRMAN FPAC HON SEBASTIEN PILLAY

...se ki, eski ou annan en *deadline* kan i pou konplete?

PS VERONIQUE BRESSON

Mon a les Mr Monnaie reponn sa aköz sa i tonm kot son divizyon - Nou ti'n diskite.

CHAIRMAN FPAC HON SEBASTIEN PILLAY

Mr Monnaie?

DG FOR LABOUR RELATIONS STEVE MONNAIE

Bonzour Chair. Bonzour tou Manm e tou dimoun a lekout. So nou pe *plan* ki nou fini sa legzersis sa lannen. Parey zot war dan Rapor Oditer ti annan *25 case death benefits*.

E ki nou'n kapab tire so *far* ler nou'n fer nou legzersis, *at least* i annan ankor 19 ka sa bann benefis ti ankor ek Departman Lanplwa. E pou diferan rezon zot ankor avek.

So, selman nou target *this year* nou kapab rekonsilye sa *amount*.

CHAIRMAN FPAC HON SEBASTIEN PILLAY

Ok mersi bokou. Onorab Romain.

HON GEORGES ROMAIN

Mersi Mr Chair. Ler mon'n ekout *PS* mon pe konpran pou al *dig* sa bann lenformasyon i pa fasil. Be selman, mwan mon zis anvi konnen, zis en pti kestyon senp, sa 1milyon ki nou pe koz lo la i konmansman ki lannen?

Akoz mon konnen in dir *as far from 31st December 2021*. Si *it comes from* ki lannen sa i *effective* si ou kapab dir mwan, kekfw 2018, 2017 mon anvi konnen *from* ki lannen sa larzan i *up to 31st December?* Thank you.

CHAIRMAN FPAC HON SEBASTIEN PILLAY

Mersi Onorab Romain. *PS?*

PS VERONIQUE BRESSON

Selman ki nou mon konnen nou'n ganny dir par Minister Finans, nou kapab *go back to 2018*.

CHAIRMAN FPAC HON SEBASTIEN PILLAY

Ok-ok alright, mersi. Nou'n ariv 10er46 mon pou *stick to* mon *schedule*. Nou pou pran en *break*. Me nou pou rekontinyen avek Departman Lanplwa apre *break*. Nou ava koz avek Departman Ladefans pou eksplik zot, zot in deza arive mon prezimen.

And then nou pou bezwen manz en pti pe dan *lunch break* bann Manm FPAC. *Ok* nou pou rann lantenn SBC e nou ava pran en poz la. Mersi bokou.

(BREAK)

DEPARTMENT OF EMPLOYMENT(Cont)

CHAIRMAN FPAC HON SEBASTIEN PILLAY

Bon byenveni de retour pou kontinyasyon nou, nou *Public Hearing* lo Rapor Oditer Zeneral. Avek nou i annan Departman Lanplwa. E nou pou kontinyen avek nou bann kestyon.

Onorab Mondon?

HON TERENCE MONDON

Mersi Mr Chair. Nou lot seri kestyon i relye avek bann *outstanding invoices* bann - pou en sonm R581mil650, *despite* ki i ti annan en *requirement* pou fer bann peyman *upfront*. I bann servis ki nou'n fer peyman be selman *still* zot annan *outstanding*.

Mon anvi konnen kwa sa bann servis ki, ki ti bezwen *upfront payment?* E donn nou en pe detay lo sa *age* sa *debtors*

list e akoz zot annan, zot annan sa outstanding kan zot sipoze anmas peyman upfront? Mersi.

CHAIRMAN FPAC HON SEBASTIEN PILLAY

Mersi Onorab Mondon. PS Bresson?

PS VERONIQUE BRESSON

Mersi Onorab. Pou sa enn pwen, sityasyon i vin - mon krwar i ti konmans letan pandan letan COVID. Ler parey ou konnen ler COVID ti konmanse bann servis ti annan en pti pe *disruption*. Akoz i annan en letan ki *staff* ti bezwen reste dan lakour. Apre ti annan letan ki lanmenm ler ki Minister Finans ti fer nou konmans en servis pou fer peyman *online*.

Prezan ler sa bann peyman *online* i vini avek sistenm Gouvernman, si en anplwayer fer en laplikasyon i pey *online*, i al dan en sel kont Gouvernman. I napa fason pou nou war - konmsi ti napa fason pou nou pou *match* sa peyman avek sa laplikasyon.

Akoz ler i antre dan kont Gouvernman i melanz avek tou peyman. So ti pran nou en pti pe letan pou nou kapab - ler *Accountant* i resevwar - ler i bezwen rekonsilye sa laplikasyon avek sa peyman, ti

annan en kantite louvraz ki ti bezwen fer, asize sey *figure out* sa peyman i pou kwa, sa peyman i pou kwa, sa peyman i pou kwa. So sa ti pandan sa letan sa peryod COVID - COVID-19.

Prezan sa sistenm *online* i ankor egziste e kliyan i ankor kapab fer en peyman *online*. Me selman kwa ki'n diferan la prezan, nou bezwen *raise* nou *invoice* avan, fer li fer son peyman. I bezwen donn nou son *transcript* ki, la, la mon'n fer sa peyman.

Prezan la nou - ki pli fasil pou nou *match* sa laplikasyon avek sa *particular* peyman ler pou nou donn li en resi, *ok?* So sa, sa sityasyon in rezourd pou enpe letan. Kekfwa apre *Accountant* i a klarifye.

In fini rezourd, me selman pou bann ki avan nou pou bezwen kontinyen fer legzersis, pou nou kapab *match* sa bann peyman avek bann laplikasyon ki nou'n, ki nou'n resevwar pou bann avan.

CHAIRMAN FPAC HON SEBASTIEN PILLAY

Savedir sa ki ou pe dir nou poudir i annan dimoun ki'n peye, me dan ou, dan ou *debtors list* zot aparet konman *debtors*, me i posib ki zot in peye?

PS VERONIQUE BRESSON

Zot in dan sa sityasyon la i annan trwa - zot in fer mon konpran i annan trwa *issue*; enn, ki nou *invoice* i *raise*, be selman nou pa kapab rekonsilye avek sa servis. Sa enn.

Dezyenmman, i annan *invoice* ki ganny *raised* me selman sa servis apre pa ganny pran. Par egzanp en, en kliyan i vini, i fer - i pe pran enn nou servis ki i annan en *fee* ki atase avek, nou *raise* nou *invoice*, apre li i deside mon pa anvi kontinyen avek sa *process*.

CHAIRMAN FPAC HON SEBASTIEN PILLAY

Me selman annou reste lo sa R581mil la en-

PS VERONIQUE BRESSON

So, ou annan R581mil ki aparet konman *debtors* lo ou rezis. Kote i ete sa R581mil, ozordi vizavi aparet lo ou rezis? Akoz nou pe koz *recent* la, nou pe koz lan - nou pa pe koz...

Eski nou pe koz en *aged debtors register* ki al plis ki 5an? Oubyen eski nou pe koz en *debtors listing* ki al zis pou lan oubyen 2an?

PS VERONIQUE BRESSON

Ok Onorab petet si ou permet mon a les nou *Accountant* eksplik - kekfwa li i a kapab donn en pti pe plis detay.

CHAIRMAN FPAC HON SEBASTIEN PILLAY

Ok, Madanm Diallo.

PS VERONIQUE BRESSON

Non, Madanm Jules.

CHAIRMAN FPAC HON SEBASTIEN PILLAY

Ok Madanm Jules, *sorry*.

SENIOR ACCOUNTANT CHANTAL JULES

Sa *debtors list* i baze depi 2020 a 2021 e *apparently* parey PS pe dir la, ler bann kliyan ti pe fer peyman zot pa ti pe fer *invoice*. Zot ti pe zis transfer sa larzan dan kont Gouvernman, e i ti en pe difikilte pou nou kapab rekonsilye sa peyman, akoz napa *invoice number* konpran.

CHAIRMAN FPAC HON SEBASTIEN PILLAY

Be ki mannyer ou pou determinen prezan si ou annan kliyan ki pa'n pey ou? Eski i annan posibilite ki ou annan kliyan ki pa'n pey ou? Prezan lefe ki ou annan sa *discrepancy* prezan, ou pa pe kapab determinen si ou annan kliyan ki dwa ou, oubyen si ou annan

kliyan ki pa dwa ou, me selman i pe aparet konman i dwa ou?

SENIOR ACCOUNTANT
CHANTAL JULES

Wi akoz dan sa *debtors list* i annan kliyan osi ki pa'n zanmen fer peyman, zot in *invoice*, me selman zot pa'n zanmen vin kot *Accounts* pou fer peyman.

CHAIRMAN FPAC HON
SEBASTIEN PILLAY

E sa i date depi 2020 sa?

SENIOR ACCOUNTANT
CHANTAL JULES

Yes.

PS VERONIQUE BRESSON

Selman son servis i pa gannyen.

SENIOR ACCOUNTANT
CHANTAL JULES

Wi i pa ganny servis. Apre i annan bann peyman osi ki sipoze ganny *void*, me sa osi kekfwa i pa'n ganny *void*. En lot *invoice* in ganny *raised* sa *invoice* i pa'n *void*. E sa i vin konman en *debtor* - i pa en *debtor actually*.

CHAIRMAN FPAC HON
SEBASTIEN PILLAY

Konmsi depi *initially* sa peyman ti sipoze ganny- ?

SENIOR ACCOUNTANT
CHANTAL JULES

Wi, kekfwa zot in ganny en fot *maybe* dan *description*, dan *amount* i mal, so zot in fer en lot *invoice* pou koriz sa. Me zot pa'n *void* sa enn ki la.

CHAIRMAN FPAC HON
SEBASTIEN PILLAY

The original one pa'n sa?

SENIOR ACCOUNTANT
CHANTAL JULES

Me prezan i vin konman en *debtors*.

CHAIRMAN FPAC HON
SEBASTIEN PILLAY

Me selman ou war mannyer i vin en problem pou nou la. Nou napa okenn fason pou determinen prezan *whether* i annan larzan ki Gouvernman i sipoze kolekte, *or whether* i annan larzan ki Gouvernman in fini kolekte.

E sa bann dimoun prezan pe ganny *invoiced*. E prezan nou, nou pa kapab dir si sa bann dimoun i dwa zot *or* pa dwa zot. So depi lan la, sa sityasyon i avek zot ki zot in fer pou rektifye sa problem e *clean* sa *aged debtors register*?

SENIOR ACCOUNTANT
CHANTAL JULES

Well, lo kote *Accounts* nou'n konmans travay depi lannen pase nou'n konmans en legzersis, pou nou kapab resevwa *match* sa bann *outstanding invoice* avek sa bann *BKTR*, me selman i pa en louvraz fasil *knowing* sa de *staff* ki nou annan mon ek en lot fiy.

I en pe difisil, me selman nou ankor *still* sa louvraz i ankor *ongoing*. Nou pe *still reconcile* sa bann *outstanding invoice* ek sa bann *bank transfer*.

PS VERONIQUE BRESSON

Me selman Onorab si mon kapab reasir ou, si i annan *invoice* ki'n *raised*, me selman apre sa kliyan in decide pou li pa kontinyen avek sa servis, i pa'n gannnen sa servis.

CHAIRMAN FPAC HON SEBASTIEN PILLAY

Be sa li menm i en problem, ou konpran? Akoz i met tou dimoun dan en pozisyon difisil pou determinen. Par egzanp Onorab Arissol meton-meton i annan en konpanyen e in demann ou en servis, ou'n donn li en *invoice* ou.

Ou *invoice* in ganny *lodged* konman la aprezan i pe aparet konman en *debtors* dan ou rezis. Be i pa'n gannnen sa servis, so *essentially* i pa dwa

ou li, i pou aparet konman i dwa ou.

PS VERONIQUE BRESSON

Wi sanmenm sa ki prezan i dir i pe fer sa legzersis pou rekonsilye tousala. I annan trwa kategori - sa ki nou'n *raise invoice*, me selman nou akoz sa sistenm *online* pa ti pe detekte poudir, be sa pou Minister Lanplwa - sa i pou sa dimoun sa.

Apre nou annan lo sityasyon parey in dir kot nou'n *raise* sa *invoice*, me selman ti annan kek fot ki'n arive prezan nou'n re *raise* en lot keksoz. Apre nou annan en trwazyenm kategori kot nou'n *raise invoice* apre kliyan li i decide pou li pa *pursue*; i pa kontinyen avek sa, sa servis ki i ti pe vin rode kot nou, kot i ti bezwen pey en *fee*.

So sa i sa bann legzersis ki mon mazin en i pou pran zot en pti pe letan, be selman si in konmans apartir 2020, i pa en gran peryod letan. Nou a kapab sey adrese.

CHAIRMAN FPAC HON SEBASTIEN PILLAY

Ou problem i pa keston letan ou problem i lakantite *invoice* avek *BKTR* ki i bezwen ganny gete. E avek de dimoun ou pa pou zanmen konplet sa travay.

PS VERONIQUE BRESSON

Wi-wi.

**CHAIRMAN FPAC HON
SEBASTIEN PILLAY**

So, pou nou kapab ganny en *way forward* ek sa, eski ou kapab donn nou en garanti ki, poudir zot ava donn sa serten priyorite. Akoz si zot pa *deal* avek sa lannen, i pou re aparet ankor lannen prosenn.

PS VERONIQUE BRESSON

Non, la nou annan sistenm ki nou'n fini met an plas, Madanm Jules non? Eksplike?

**CHAIRMAN FPAC HON
SEBASTIEN PILLAY**

Non, ou pa pe konpran mwan ou, mon *issue* i pa ki ou'n met an plas *going forward* la, sa i *ok* sa. Mon *issue* i prezan i pou vin ou *aged debtors*. Prezan i vin parey en *legacy item* lo ou liv, i kontinyen repete. So-

PS VERONIQUE BRESSON

Ok.

**CHAIRMAN FPAC HON
SEBASTIEN PILLAY**

So, nou.

PS VERONIQUE BRESSON

Non nou pou adrese Onorab. Mon reasir ou nou pou donn li - nou pou donn sa priyorite, pou

nou kapab *reconcile* sa bann lenformasyon.

**CHAIRMAN FPAC HON
SEBASTIEN PILLAY**

Nou kapab ou kapab donn nou en *deadline* i fer 1 an la, en?

PS VERONIQUE BRESSON

Donn nou le 31 Desanm.

**CHAIRMAN FPAC HON
SEBASTIEN PILLAY**

Sa lannen?

PS VERONIQUE BRESSON

Yes.

**CHAIRMAN FPAC HON
SEBASTIEN PILLAY**

PS avek tou ou lantouzyazm ki ou annan pou le 31 Desanm, avek ou *staffing constraint*.

PS VERONIQUE BRESSON

Ou krwar mon pa pou fini ?

**CHAIRMAN FPAC HON
SEBASTIEN PILLAY**

Mon pa krwar ou pou fini - dan leksperyans. Mon war ou annan sa volonte pou fer li be selman-

PS VERONIQUE BRESSON

Wi, nou anvi ki tou sa rikord i ganny - i ganny.

**CHAIRMAN FPAC HON
SEBASTIEN PILLAY**

Ou pa pe fer, ou pa pe fer *statement* ki apre ki sa. So-

PS VERONIQUE BRESSON

Ok. Ki ou dir *Accountant*, *kantite* letan i pou pran nou? Wi, dir ale koze.

**SENIOR ACCOUNTANT
CHANTAL JULES**

Anyway parey PS in dir donn nou ziska le 31, akoz...

PS VERONIQUE BRESSON

Non, akoz li i pe krwar, akoz i for dan bann zafer finans, li i pe krwar nou pa pou kapab; ki petet i pou en pti pe difikilte avek *pressure* ki nou annan *already*, *can we say until 2024* vi ki ou a krwar ou anvi-?

**CHAIRMAN FPAC HON
SEBASTIEN PILLAY**

Ok *what* ki nou pe propoze pou ou se ki, annou fer li koumsa donn nou en *interim report by le 31* Desanm kote ou ete. *At least* nou ava annan lenformasyon ki nou rikorde.

E *provide* menm lenformasyon avek Biro Oditer Zeneral akoz zot pou fer sa aparet konman en *item* ki pa ankor ganny *resolved*. E nou pa pou kapab met li akote *until* ki i ganny *resolved*.

Akoz ou riske war ou dan en sityasyon, kot ou annan dimoun ki dwa ou, *but at the same time* ou riske war ou dan en sityasyon kot ou pe al rod dimoun ki'n deza fini pey ou, e ki pa pou *fair* lo sa bann dimoun ki'n fini pey ou pou zot ganny *dragged in* dan sa sityasyon, *ok?*

PS VERONIQUE BRESSON

Ok, mon krwar *it's a good* - en bon konpromi. Mersi Onorab.

**CHAIRMAN FPAC HON
SEBASTIEN PILLAY**

Mon krwar nou a *move on* Onorab Mondon, *ok?*

HON TERENCE MONDON

Mersi Mr Chair. Mon ti pe al sizere ki nou fer *overtime* akoz la kestyon ki swiv. Oditer in obzerve ki i annan *payment of overtime beyond* sa *specific* peryod ki i fer provizyon. E sa ki pli e konsernan ankor se, zot pa'n mentenir rikord sa bann *hours* ki sa bann dimoun in travay.

E *response* ki nou'n gannyen ki nou'n anvoy kot Oditer Zeneral, se zot ti ganny lenstriksyon ti ganny donner atraver lofis *Human Resource* e pou pey sa *overtime*.

E dezyenmman desizyon se ti pou permet Gouvernman

kolekte plis reveni posib, pou atestasyon bann kontra.

Aprezan eski ou kapab eksplik nou, kwa ki'n *led* pou sa peyman *overtime*? E eski *PS* ou *accounting officer* e ou'n aprouv sa peyman mon prezimen, akoz mon war lenstriksyon i sorti kot *HR*, mon mazine in bezwen pas atraver ou pou *approve*.

E akoz zot pa'n kapab kit rikord bann *hours* ki bann travayer in fer? Mersi.

CHAIRMAN FPAC HON SEBASTIEN PILLAY

Mersi Onorab Mondon. *PS*.

PS VERONIQUE BRESSON

Ok Onorab, kekfwa zis pou komanse. Mon konnen mwan ki dan sa sez prezan, sa ti ariv dan lannen 2021 *was it ? 2021* mon pa ti dan sa sez *at that time*. Mon kapab sey eksplik sityasyon ki mwan, mon menm mon'n ganny, mon'n ganny eksplike.

Akoz mwan menm mwan, mon pe war vi ki i en *process* ki i avek nou Minister sa *process* en, *by the way* - pou nou aprouv pou *overtime* ganny fer *beyond* sa ki Lalwa i permet. I avek nou Departman.

So prezan nou Departman mon pou avoue - napa nanryen pou nou kasyet - nou departman nou menm nou

pa'n reisi *follow* sa ki nou, nou pe fer lezot dimoun *follow*. And selman pou reasir zot, ki *the process* pe ganny *follow* prezan.

Me selman pou - mon pa pe fer leskiz, me selman pou eksplike - ti annan en *urgency* pou nou kapab fer *staff* fer sa bann kantite *overtime*.

Akoz Gouvernman pa ti - sa *process* atestasyon kontra pa ti pe al byen. Gouvernman ti pe perdi reveni en kantite, akoz bann *process* ti pe reste avek nou pou en kantite letan.

Parey mon'n eksplike avan, kontrent resours imen i en *big issue*; i pa zis pou nou Departman - mon mazine i pou *the Government* an antye ki nou bezwen *make do* avek sa ki nou annan. Prezan ti annan en desizyon - akoz nou ti annan en gran *backlog* - ti annan en desizyon pou fer lezot *staff come in to help out*. E sa desizyon ti ganny pran vit.

Prezan mon mazine dan sa lenstans sa *process* kekfwa, in ganny bliye *or you know*. Mon pa pe - parey mon pe dir mon pa pe fer leskiz, me selman nou ti devret kapab, akoz *the process is with us*. Nou bezwen en legzanp pou lezot. Prezan-

CHAIRMAN FPAC HON SEBASTIEN PILLAY

Mon pou bezwen aret ou la. *Yes, whatever answer* ki ou pe donn nou la, *you know what this means*. Whilst ou pe demann lezot antite pou annan en serten standar, ou sa antite ki sipoze *set* sa standar, ou napa sa standar.

So ki reasirans ou pe donn nou la, ki *going forward* ler ou *internally* ou pe donn ou *staff overtime*, ou pe met an plas ou bann mezir.

Akoz probableman dan lezot sirkonstans ou'n pran aksyon avek lezot landrwa ki'n donn *overtime* kontrerman avek prosedir ki annan.

PS VERONIQUE BRESSON

Wi mon dakor avek ou Onorab, wi.

CHAIRMAN FPAC HON SEBASTIEN PILLAY

So eski nou kapab ganny ou reasirans ki *going forward* sa i pa en keksoz ki pou-

PS VERONIQUE BRESSON

Wi, wi definitivman Onorab - *and* petet pou mon zis fer kler, i pa en keksoz ki nou'n ki departman in manke pou fer. I zis ki nou napa rikord. Son *go ahead* in ganny donner par lotorite ki sipoze donner, pou *proceed* avek sa.

Sa provizyon *overtime* sa ti ganny fer byen, me selman nou napa sa rikord fizik pou nou kapab montre.

So vwala sityasyon ki mannyer nou été. Me mon reasir zot ki nou pou *go through the process*, ler i ariv ler pou nou departman *go through* sa sityasyon.

CHAIRMAN FPAC HON SEBASTIEN PILLAY

Mersi bokou *PS*. Mon pou les Onorab Mondon kontinyen, apre ler nou pou fini, nou donn bann Manm ki'n lev lanmen loportinite zis pou revizit detrwa size, aköz nou mon konsyan ki letan i pa dan nou faver.

E nou annan antite ki pou annan pa mal kestyon ki pe vini apre dan Departman Ladefans. Onorab Mondon nou ava bouze.

HON TERENCE MONDON

Mersi Chair. Lot size se *procurement* ki pa Departman pa'n *comply* avek Lalwa Prokirman. E, e la in fer referans avek ki napa sa kotasyon neseser. E zot larepons zot dir pou zot aste *hand soap, toilet rolls, hand towels*, zot bezwen aste li ki i kapab - ki i konpatib.

Mon konpran ki zot pe dir avek bann ki zot pe servi deza,

selman ti annan tou 2 kotasyon me selman zis enn ki'n *respond*.

E mon kestyon se, akoz nou annan zis en *supplier* pou sa bann lekipman ki ou pe dir ki bezwen konpatib? Petet donn nou elabor en pti pe eksplik nou? Mersi.

CHAIRMAN FPAC HON SEBASTIEN PILLAY

Mersi Onorab Mondon. *PS?*

PS VERONIQUE BRESSON

Yes, wi Onorab, pou sa *item* partikilye i annan zis en *supplier* ki donner. Akoz *building* kot *Independence House Annex*, wi *building Independence House Annex* in ganny - konmsi nou, nou'n erite - nou'n vin dan sa *building* nou'n ganny lofis, nou'n erit *the whole system* ki mannyer i ete.

So sa, sa sistenm ki sa ki'n prevwar sa *building*, in met en sistenm ki zis en *supplier* ki pou le moman i kapab donn nou, ki *match* avek nou bann lekipman ki zot met *internal* la.

Zis sa *supplier* ki kapab donn nou sa pou le moman en as *we speak*. Nou pa konnen si *in the future* i ava annan lezot, be selman zis li ki kapab donn nou sa.

Me selman parey mon dir sa nou'n erite - *it's for the building*. Nou pou al aste sa

hand soap avek en lot laboutik i pa pou *match* sa lekipman ki nou pou met sa *hand soap* ladan. Vwala.

CHAIRMAN FPAC HON SEBASTIEN PILLAY

Mon pa tro krwar i annan-i annan - nou, nou pou agree lo la. Nou pa pou agree lo la, akoz sa i vedir poudir be eski prezan *going forward* ler ou fer en *building* ou annan sa lekipman.

Mon krwar zot bezwen fer en zefor akoz i pou sa i pa en, en *procurement of an emergency or, or item of a very specific nature*. I *hand soap* i bann keksoz *consumables* e i pou donn lenpresyon poudir nou pe favoriz en *supplier*.

Tou bann dimoun ki dan Finans la, e ki petet pe pou dakor avek mwan *that is why* nou annan sa prosis annan trwa.

PS VERONIQUE BRESSON

Trwa *invoice*, wi.

CHAIRMAN FPAC HON SEBASTIEN PILLAY

Trwa *invoice* pou *allow* lezot dimoun partisipe. Ou kapab lans en *expression of interest* akoz ou pa konnen si sa dimoun sa pri ki li i pe donn ou, ou pa kapab ganny en pli bon

pri en lot landrwa. Ou ganny mon pwen?

Malgre ki zis son sa ki i pou donnen ki pou *fit* son sa *soap dispenser whatever*. So nou, nou, krwar poudir ou pou bezwen revwar sa *internally*. I pa en *process* ki pou kapab kontinyen.

Si ou bezwen rod en - parey mon dir fer en *expression of interest* dir zot annan sa e zot ti a kontan bann dimoun *provide* zot avek sa bann lekipman. E bann dimoun ava vini. Ou kapab ganny en dimoun ki *provide* ou petet pli bonmarse e Minister i *save* larzan.

Pou le moman ou pa konnen si ou pe kapab *save* larzan, *or* ou konnen me selman ou napa swa ou bezwen al avek. So, mon krwar ti ava meyer nou al, nou al dan sa direksyon.

Ok, Onorab Mondon dernyen pwen apre mon ava retourn ek bann lezot Manm FPAC.

PS VERONIQUE BRESSON

Mersi Onorab.

HON TERENCE MONDON

Thank you Chair. Mon lot seri kestyon i konsern sa *fixed asset management*, kot i annan en mankman bann *asset* pa pe ganny an, anrezistre pa pe met

dan sistenm e napa sa levidans ki in fer verifikasyon fizik avek lo sa bann *asset*.

E dan en *sample* 30 peyman, i annan 20 lenstans kot *asset* pa'n ganny rikorde e sa i konsernan. E zot in dir dan zot larepons ki zot annan en vye sistenm ki annan defayans e ki zot pe travay lo la pou kapab *update* tou sa bann lenformasyon. Dir nou *what is the status* la e akoz zot pa ti servi en *excel* pou zot anmas sa bann lenformasyon?

Olye zis dir poudir sistenm i annan defayans, zot pa'n kapab fer antre sa bann lenformasyon? Mersi Mr Chair.

CHAIRMAN FPAC HON SEBASTIEN PILLAY

Mersi Onorab Mondon. PS?

PS VERONIQUE BRESSON

Ok yeah Onorab mersi. Pou ou lenformasyon ler odit ti detekte sa sityasyon, depi 2022 nou'n, nou'n met sistenm an plas en? Ki aprezan nou i paret nou ti pe servi en sistenm ki pa ti konpatib.

Prezan nou'n kapab ansanm avek Minister Finans, ansanm avek *DICT*, zot ti met en lot sistenm pou nou an plas. So depi 2022 eskan la 2023, nou *up-to-date* avek an mezir nou

acquire bann lekipman *and so on*, nou *update*.

Konmsi nou *update*. Nou *up-to-date now, now*. Me selman *prior to 2022*, nou bezwen *go back* pou rekonsilye sa vye sistenm avek *the new system*. Konmsi *en d'autre mot* nou bezwen al *input* lenformasyon avan dan sa *new system*.

So sa i pou en legzersis, akoz vi ki sa vye sistenm ti napa, ti annan lenformasyon ti manke ladan, so ou bezwen fer li fizik - bann lenformasyon ki manke ou bezwen al kot sa *asset* fizikman verifie lenformasyon, pou fer *input* dan sa *new system*.

E prezan parey mon pe dir pou sa sityasyon *staff*, i en legzersis ki nou pa i pou pran nou en pti pe letan. Mon konnen ler mon ti pran lofis an Mars sa lannen, i en keksoz ki mon ti adrese deswit e mon ti donn nou bann *staff* administrasyon eskan Zilyet sa lannen pou zot finalize.

Nou pe tap tou pou nou kapab finalize *by July* sa lannen, me selman i posib akoz ou konnen *staff* i depan peryod dan letan lannen, ki kekfwa nou en pti pe pli *busy*, zot okipe ek lezot keksoz.

E nou, nou pa tro dan sa sityasyon *overtime*, pou al donn

staff overtime pou vin fer travay, so zot bezwen servi en pe zot letan ki zot pe fer lezot louvraz. Akoz nou bezwen fer sir poudir la prezan nou, nou *up-to-date* nou pa kapab annan sa *lapse* ankor lo sa sityasyon.

So nou pe, nou pe fer la *by July, by* lafen sa mwan *hopefully* nou'n fini be si nou pa ankor fini petet nou pou, nou pou bezwen *extend* li ankor kekfwa 1mwan-2mwan. Me selman *we are on top of it* nou pe, nou pe fer antre dan sistenm.

CHAIRMAN FPAC HON SEBASTIEN PILLAY

Ankor enn fwa *bearing in mind* ki rapor in sorti lannen pase, in ganny apepre lan la, *just to remind* Departman lo *time frame*.

PS VERONIQUE BRESSON

Wi mon'n pran sa mars konman mon'n vini Onorab. Mersi.

CHAIRMAN FPAC HON SEBASTIEN PILLAY

Mersi. *Ok* dernyen, dernyen pwen lo sa zafer *wrong log book* ki Oditer Zeneral in raporte. Zot in koz lo verifikasyon dan *log book*; nou pou demann Oditer Zeneral pou fer serten travay ankor lo sa size *log book*.

Akoz nou pou re vizit li dan en lot letan an se ki konsern *fit management* bann transpor Gouvernman apre ki nou pe rankontre serten problem an zeneral.

Lannen pase nou'n war *insurance* an relasyon ek transpor ki pa ganny *claim*; transpor in kraze *insurance* pa ganny *claim*. La bomaten nou'n tann ankor reparasyon ki ganny fer me ki al *over payment*.

So nou pou, nou pou pran sa pwen avek ou, akoz nou oule ki Oditer Zeneral i fer en pe travay en pe pli aprofondi lo sa size, ki *involve fit management* bann transpor *across* bann Departman. Ti annan de Manm ki'n sinyal mon ki ti le entervenir.

Mon pou donn zot sans entervenir la dernyen, apre nou pou eskiz Departman Lanplwa. So mon a konmans avek Onorab Romain apre mon a donn Onorab Arissol.

HON GEORGES ROMAIN

Mersi Mr Chair. Ler mon'n tann Madanm Jules koze pli boner lo sa size *invoices, outstanding invoices*. Mon en pti pe vreman konsernen *about* sa size, akoz menm *PS* letan in fer detrwa remark; mon konnen Mr Chair i dir zot pou fini *by* le 31

Desanm, e ler mon regarde aprezan lo sa lot bout ki kantite *overtime* zot in peye zot pa'n *keep* rikord, ou'n dir ou pa anvi ankouraz *overtime anyway*.

Me selman mon'n tann Madanm Jules dir en keksoz ki i annan peyman ki dimoun in fer *online* in peye, selman napa en dokiman ki'n pey. Akoz ler ou fer en peyman si ou pe pey en *fix payment* tou le mwan.

Parey dimoun ki *subscribe* televizyon *whatever* sa bann *cable tv*, ki nou annan tou le mwan i *fix, more or less* akoz i pe pey an Roupi zis i peye. I pa bezwen dokiman pou li peye, akoz i pou peye pou li ganny lot preskripsyon pou lot mwan.

Me selman si ou pe donn en servis i sitan avarye sa servis. be lo ki *grounds* sa dimoun in peye? E-e ler mon'n tann zot apre pli tar ler ou'n eksplike zot pou rekonsilye.

E i annan ki'n peye parey mon'n dir napa *invoice* oubyen ki en dimoun parey Mr Chair in fer resorti i pou vreman difisil pou zot al *chase* tou sa peyman, lekel ki'n peye pou al rod en dimoun ki pa'n peye.

Anyway, i selman mon en pti pe dezapwente lo sa bout akoz sa pou mon nou pa ti devret pe ganny - pou 2021 nou pa ti pe merit pe war bann keksoz. La nou 2023 sa ti bann

keksoz ki bann - pa biro Lanplwa pa Departman Lanplwa, kekfwa en pti landrwa kekfwa napa mank resours, sa mon ti a konpran.

Selman lo kote kot zot mon en pti pe dezapwente lo sa bout. E definitivman ti a bon zot fer sa travay ki zot dir zot in promete *by* le 31 Desanm. Permet mwan Mr Chair dernyen bout dernyen lo kote *overtime*.

E zot pa'n kit rikord. Kekfwa parey ou'n dir rikord ti la selman ou pa war rikord la an se moman. Be ler *Accounts* pe peye lo ki ou pe peye? Akoz ou bezwen pey baze lo sa kantite erdtan ki bann dimoun i travay ou kalkile sa i tonm 1.75 sa 2.5, *public holiday* i lo son bout.

I bezwen annan en dokiman ki ou pe baz sak travayer ki ou pe atase ek son *file* i met ladan. Akoz demen ler en dimoun pou vin gete akoz sa enn in ganny tan, ou bezwen *go back to* la napa lazistis ki'n ganny fer mwan, mon pou mon.

Akoz i kapab ki'n ganny peye plis oubyen pey an mwens, be selman ou pa kapab prouve. So mon en pti pe konsernen anba sa size osi akoz i bokou larzan. Mersi Mr Chair.

CHAIRMAN FPAC HON SEBASTIEN PILLAY

Mersi bokou Onorab, Onorab Romain. Mon ava les Onorab Arissol fer son komanter *and then* mon ava les *PS* donn *PS* dernyen parol pou reponn. Mersi.

HON SANDY ARISSOL

Mersi Mr Chair. Mon kestyon i retourn ankor kot Onorab Georges Romain in kite *in regards to overtime*. Ki mannyer *overtime* i ganny peye si napa rikord?

Ki mannyer mon konnen poudir Onorab Sandy Arissol li in travay tan erdtan in ganny peye tan, oubyen eski tou dimoun ti ganny peye zot tou parey; i annan en pe ti ganny an plis - en pe ti ganny an mwens - Si napa rikord. Mon premye kestyon?

Dezyenm kestyon i baze Mr Chair *in regards to 14* ki koz an relasyon "*the decision was taken to extend the overtime, in order to allow Government to collect as much revenue as possible from attestation of contract*".

Kote nou ale poudir pou war poudir, i vre Gouvernman in anmas plis reveni atraver sa *overtime* ki zot in fer pou plis atestasyon kontra? Eski kote nou ale pou nou war sa lenformasyon?

Mon dernyen kestyon Mr Chair, i baze lo transpor 19; i dir zot Departman i annan 5 transpor, 5 transpor e dan e pandan en 2an zot in annan bann loperasyon ki'n vo lavalere 1milyon e zis zot *fuel* i 459mil pou sa 5 transpor.

E larestan depans 278mil pou *maintenance*, 233mil pou lasirans, *license and hiring of vehicles*. Be ti napa okenn dokiman ki'n ganny trouve, mon ti a kontan konnen kekfwa par lannen.

Parske letan mwan, mon'n fer kalkilasyon par lannen pou R459mil pou *fuel*, zis pou en lannen par transpor, savedir sak transpor i depans li par lannen R91mil pou *fuel*. Letan mon'n kalkil 459mil mon'n diviz li par 5 transpor, kekfwa mon kalkil i mal, in tonm anviron 91mil be selman in dir pou 2an.

Ok so mon ti anvi en leksplikasyon *in regards fuel* apre sa 35mil pou *hire* lezot transpor la; ki napa rikord dan sa ki pe dir, so mersi Mr Chair pou le moman.

CHAIRMAN FPAC HON SEBASTIEN PILLAY

Lo sa dernyen pwen se pou sa rezon ki nou pe demann en *more in-depth look* par Oditer Zeneral par lodit. Akoz lodit in zis donn nou sa sonm

siperfisyel. Mwan, mon'n fini war poudir i annan en kou sibstansyel *involved* avek *the use of transport and the management of sa fleet*.

E lefe ki *the wrong log book* ki pe ganny servi pou mon i en problemm. Ki mannyer ou pe kapab pe servi *the wrong log book*, akoz sa i *involve* transpor Gouvernman e i *involve fuel* ki'n R459mil530.

Se pou sa rezon ki Oditer Zeneral i bezwen prezan pran sa bout size, e nou regard li en pe pli *in-depth* pou regard sa *management of sa transport fleet* vizavi sa.

Sa problemm *wrong log book* dan li menm i en problemm; *but the biggest problem* prezan se sa *monitoring* pou asire ki sa kou R459mil i *commensurate* ek travay ki sa bann transpor sipoze pe fer, oubyen napa lezot keksoz ki pe arive. Akoz mon prezimen zot osi zot servi en sistenm *fuel coupon*,

PS VERONIQUE BRESSON

Yes.

CHAIRPERSON FPAC SEBASTIEN PILLAY

So, zot konpran kot mon pe ale la, ok?

Mon ava les ou reponn sa de premye pwen *and* sa pwen

transpor parey mon'n dir nou, nou pou revizit li avek sa Rapo Oditer Zeneral. Mersi *PS*.

PS VERONIQUE BRESSON

Ok mersi Onorab. Pou sa sityasyon fuel maybe pou reasir FPAC, the Committee ki Gouvernman pe entrodwir en nouvo sistenm la avek konsernan fuel. Prezan la nou pou nepli annan sa sistenm, kot nou al avek sa kaye nou al kot sa petrol station, pou nou al rod fuel, apre pou fer antre pou rekonsilye and so on and so forth.

So la prezan Gouvernman pe al digital. E petet sa i ava en fason ki sa problem i a ganny rezourd.

Akoz avek sa digital fuel management system pou allow pou annan en report analysis avek pou rekonsilye fuel usage avek the mileage. So this going forward mon mazine by mid sa lannen sa pou an mars.

Prezan pou sa ki'n pase dan lefase, nou annan - mon mazine sa nou sityasyon in leve, aköz nou ti pe servi the wrong- the wrong fuel - sa book ki nou rikord sa bann lenformasyon ladan. Aköz i paret ki petet i annan lenformasyon pa ti pe ganny antre.

Me selman sa in rezourd depi ler Oditer Zeneral in pick out sa, ler ti arive an 2021 - i ti'n fini pick out. E pou le moman la nou pe servi the right fuel book, nou pe fer entrance pou the right information ladan.

E sa i ganny ti en lot pwen ki ti ganny fer sorti dan Rapo Oditer Zeneral. Supervisor pa ti pe - konmsi pa ti pe confirm par son sinyatir poudir tou keksoz i ok. So now tousala i pe arive.

Me selman parey Chairman in dir si Oditer prezan pe al fer legzersis pli in depth nou ava, nou ava regarde ki what comes out of it. It's ok for us, nou napa en issue avek.

CHAIRMAN FPAC HON SEBASTIEN PILLAY

Rezon pou sa, se aköz in annan rekomandasyon FPAC 2016, 2017, 2018, 2019 lo sa size fuel, so i pa akseptab ki an 2021 nou ganny sa bann problem ankor.

PS VERONIQUE BRESSON

Sa i ankor la - I understand.

CHAIRMAN FPAC HON SEBASTIEN PILLAY

E nou pa oule ki a sa enn FPAC ler nou fer en rekomandasyon i fer sa whole exercise ki nou pe fer en - pa worth it.

PS VERONIQUE BRESSON

Ou pe refer lo nou Departman Onorab oubyen an zeneral Gouvernman?

CHAIRMAN FPAC HON SEBASTIEN PILLAY

An zeneral, an zeneral dan Gouvernman.

PS VERONIQUE BRESSON

Dan Gouvernman, *ok?*

CHAIRMAN FPAC HON SEBASTIEN PILLAY

Me prezan la ler in tonm lo ou Departman, nou prezimen i pou, i pou aparet lezot landrwa. So i pa kapab kontinyen pe aparet. So pou nou i bezwen ganny adrese. Se pou sa rezon ki mon ti a kontan Oditer Zeneral i regard en fason pli *in depth* ladan.

Ok, Onorab Romain ou pwen in ganny adrese? Size *overtime* pa ankor ganny adrese. *PS*.

PS VERONIQUE BRESSON

Ou pe dir rikord *overtime?*

CHAIRMAN FPAC HON SEBASTIEN PILLAY

Wi. Mon krwar son pwen se ki eski in etabli poudir nou'n pey plis *overtime*, eski nou'n anmas plis larzan? I posib ki prezan dan plas anmas plis larzan,

nou'n pey plis *overtime* ki anmas larzan. Sa i son keston.

PS VERONIQUE BRESSON

Non, *ok*. Rikord nou annan pou *overtime* en, sa ki zot in fer - sa nou annan.

CHAIRMAN FPAC HON SEBASTIEN PILLAY

I pe demann ou lo en baz *efficiency*, eski ou'n kapab *quantify* poudir, poudir ou'n pey 1milyon *overtime* e ou ti pe anmas mwens ki 2milyon avan e ou'n anmas 3milyon. Par kont si ou'n pey 1milyon *overtime*...

PS VERONIQUE BRESSON

Ok, sa nou pou bezwen al rekonsilye bann lenformasyon pou nou kapab...

CHAIRMAN FPAC HON SEBASTIEN PILLAY

...e ou'n anmas R200mil *then* ou'n anmas plis *overtime* ki ou'n anmase.

PS VERONIQUE BRESSON

...*yes*. Mon reasir ou i pa bokou Onorab. Petet *Accountant* ou annan en lide kantite *overtime?* Mon pa ti la sa letan. Ou annan en lide kantite *overtime* ti ganny peye?

SENIOR ACCOUNTANT
CHANTAL JULES

Non, *actually* mon napa rikord. Me selman *overtime* la ti pe ganny peye lo en *claim* ki zot *submit*. Zis *log book* ki zot pa ti pe fer antre ladan.

PS VERONIQUE BRESSON

Zot in rikorde, me selman zot pa ti pe fer *the right*.

SENIOR ACCOUNTANT
CHANTAL JULES

Zot ti anvoy *overtime claim* ek tou zot erdtan ki zot ti fer apre ler, zot ti anvoy *Accounts* pou peye. Selman i pa dan en *log book*, sa ki mon krwar Oditer pe fer resorti.

CHAIRMAN FPAC HON
SEBASTIEN PILLAY

Be tyonbo en kou. Zot, zot sipoze Departman Lanplwa *logging, approval* i sipoze zot. La devan la, zot tou zot bann *expert* la devan la, dan zot domenn. Konmsi - *go ahead*.

HON SANDY ARISSOL

Sorry, parske mwan osi mon'n demann en pe sa kestyon. Be mon problem se avek sa, kanmenm mwan konman en travayer mon'n ganny dir anmenn mon *overtime*.

Byensir si mon'n fer 2erdtan mon pou anmenn

6erdtan pou mwan ganny en pti larzan an plis. Be lekel ki aprouv sa, pou mwan ganny sa peye, sa 6erdtan ki napa rikord?

Mwan sa ki mon pe rode, lekel ki sinyen pou Sandy Arissol ki'n travay 4erdtan me ler i vini in dir mon travay 10erdtan e i ganny peye 10erdtan *who approves?* Mersi.

CHAIRMAN FPAC HON
SEBASTIEN PILLAY

PS.

PS VERONIQUE BRESSON

Sa *approval* i ganny sertifye par *the immediate supervisor* sa dimoun ki'n fer son *overtime*. Apre la *the accounting officer* i sinyen ler sa *claim* i ganny fer. *This is the process*.

Be selman parey mon'n dir *going forward* la nou, nou pa pe fer ditou *overtime and* zis bann *staff* ki sipoze fer *overtime* parey bann *drivers* ki ganny en *commuted overtime* tou le mwan. Zis zot ki pe fer sa *overtime*.

E si i annan lenstans ki *in the future* ki nou pou bezwen, i annan en legzizans ki nou bezwen fer sa *overtime*. Sa i en leson mon mazine, ki prezan nou ava annan nou *proper record* toultan. *It's lessons learned*.

**CHAIRMAN FPAC HON
SEBASTIEN PILLAY**

I pa zis leson akoz zot, zot bezwen *the standard bearer*. Zot bezwen sa lorganizasyon ki pou zot...

PS VERONIQUE BRESSON

Mon konpran ou Onorab.

**CHAIRMAN FPAC HON
SEBASTIEN PILLAY**

...ki pou zot i *above reproach*. Akoz i annan plizyer dimoun ki mon'n tann plizyer konplent vini, e mon asire bann lezot Manm Lasanble in ganny sa ki zot in dir poudir zot *overtime* in ganny koupe.

Zot *overtime* pa'n ganny peye ; en kantite konsern travayer in eksprimen. E tou sa bann aprouvasyon i sorti kot Lanplwa.

PS VERONIQUE BRESSON

Non, nou fer en - nou pa aprouve *but* nou fer en zistifikasyon lo la.

**CHAIRMAN FPAC HON
SEBASTIEN PILLAY**

Be *ok* vwala, zistifikasyon. So zot zistifikasyon i parey en aprouvasyon. So si zot pa donn en zistifikasyon pa pou arive, be selman kot zot menm *internally* kot zot pe demann lezot

landrwa travay pou *monitor* son *overtime* zot, zot pa pe fer.

PS VERONIQUE BRESSON

Nou *monitor*, be selman petet rikord - *it's* - rikord, rikord ki en *issue* sa nou pou avoue Onorab. E mon donn ou sa lasirans anba mon *watch* i pa pou-i pa pou pase.

**CHAIRMAN FPAC HON
SEBASTIEN PILLAY**

Nou *issue* i pa *watch* nou, nou *issue* se ki ler ou ale striktir i anpese arive, ou konpran?

PS VERONIQUE BRESSON

Yes, definitely.

**CHAIRMAN FPAC HON
SEBASTIEN PILLAY**

Si demen ou sorti ou al...

PS VERONIQUE BRESSON

Wi sa ki mon pe dir.

**CHAIRMAN FPAC HON
SEBASTIEN PILLAY**

...ou al fer en lot, ou ganny en lot fonksyon dan Gouvernman, nou pa oule ki en fonksyon i mars ek en endividi...

PS VERONIQUE BRESSON

Yes, sanmenm sa.

**CHAIRMAN FPAC HON
SEBASTIEN PILLAY**

...ki ler sa endividi i la, keksoz i mars drwat ler i pa la vwala.

PS VERONIQUE BRESSON

Yes-yes the system will be in place. System is in place.

CHAIRMAN FPAC HON SEBASTIEN PILLAY

Mon oule i annan en sistenm an plas ki demen mon pa konnen lot Departman pa konmans konplent poudir be la, la ki manner sityasyon i ete laba, nou, nou pa pe ganny drwa fer.

Akoz i annan *staff* Lasanble ki probableman ki le *claim overtime*, akoz manner Lasanble i travay. Me Lasanble i bezwen *abide by* en standar ki bokou pli o, akoz li ki bezwen fer *oversight* lo Gouvernman. Onorab Arissol ou ti annan en dernyen pwen lo la.

HON SANDY ARISSOL

Mersi Mr Chair. Mon dernyen pwen ki mon ti anv demande se, zot napa rikord *in regards to overtime*. Be lekel bann travayer dan sa Minister - *from* ki grad travayer ziska ki grad travayer ki ti ganny demande atraver *HR* pou fer sa *overtime* ki nou pe koz lo la? Mersi.

PS VERONIQUE BRESSON

Si ou permet mwan Chairman sa ou pou annan lenformasyon

Ms... Wi, i pa ti -. Lekel ki'n donn *approval* Onorab petet nou ki la nou pa pou byen - Madanm Diallo pa ti dan sa pos *at that time*, mwan, mon pa ti dan sa pos *at that time*.

CHAIRMAN FPAC HON SEBASTIEN PILLAY

Grad travayer.

PS VERONIQUE BRESSON

Lekel ki ti fer sa *overtime*?

CHAIRMAN FPAC HON SEBASTIEN PILLAY

Lekel ki ti kalifye pou *overtime*, wi?

HON SANDY ARISSOL

Lekel ki ti kalifye pou...?

PS VERONIQUE BRESSON

Toultan i bann zofisye; i bann zofisye ki-. *In fact* akoz zot ti fer sa *overtime*, set akoz sa pou atestasyon kontra li dan sa sityasyon nou annan *limited resources*, imen. Tanzantan nou ganny sa *backlog*.

In fact it happens tanzantan, akoz *volume* i big en? En kantite. Gouvernman i anmas milyon par milyon *through* sa *process*.

So prezan nou ti bezwen dan sa letan, ti bezwen pran lezot zofisye *from* lezot Departman pou vin asiste.

Lanmenm ler ki prezan i en keksoz ki pa ti kapab fer dan ler travay.

Akoz sa bann lezot zofisye zot annan zot prop fonksyon pou zot fer. So prezan lanmenm ler ti aprouve, mon mazine ti aprouve pou sa *overtime* ganny fer pou Gouvernman kapab anmas son reveni.

E pou pa zis sa e pa zis akoz Gouvernman i bezwen anmas reveni. Sa travayer i bezwen annan son kontra dan son lanmen, pou li konnen ki son bann kondisyon ki i pe fer ki i a pe travay anba la.

So pou nou sa ti enportan ki akoz sa kantite *backlog* ki ti annan, nou ti bezwen met en lord ladan. Me pou le moman la keksoz i pe al byen *and* nou pa pe prevwar pou annan ankor en sityasyon koumsa.

Mon mazine dan lepase in akimile, akimile, akimile petet pa'n, pa'n *pick up* poudir i annan sa *issue* e nou ti ganny *go ahead* pou nou kapab fer sa *overtime*, pou *clear out*; pou nou donn sa servis ki nou kliyan i bezwen.

CHAIRMAN FPAC HON SEBASTIEN PILLAY

Mersi bokou *PS* pou ou bann larepons. Nou swet Departman Lanplwa bonn kontinyasyon. Nou remersi ou pou ou bann

reasirans ki ou'n donn nou. Sel keksoz ki nou, nou pe dir ou se ki zot en Departman ekstrememan enportan, akoz se zot ki *deal* avek bann lezot *issues labor relations* eksetera, tousala i tonm anba zot.

E zot, zot bezwen ganny *held to* en *higher standard than others*. E i enportan ki alors ki zot, zot fer zot mye pou zot sa, akoz zot bezwen *respond to* bann *queries* ki bann dimoun i annan.

Mon note ki vi ki nou annan Departman Lanplwa i annan dimoun ki pe anvoy bann kestyon pou demande *regarding labor relations e GOP*, e lekel ki pe travay dan landrwa travay

I pa tonm anba nou Rapor Oditer Zeneral ki nou pe regarde ozordi pou demann sa bann kestyon. Me mon met sa lo latansyon *PS*, pou ki i en keksoz ki tou Manm Lasanble i konsernen.

Akoz ler zot bann *constituents* i vin konplent tretman dan bann landrwa travay, enkli si zot pa pe ganny peye zot *overtime*, zot osi dan zot landrwa travay. Avek sa nou pou termin la avek Departman Lanplwa e nou pou swet zot bonn kontinyasyon e bonn, bonn wikenn akoz ozordi nou Vandredi. Mersi bokou.

PS VERONIQUE BRESSON

Mersi-mersi zot tou. Mersi pou
donn nou sa letan. Mersi.

END -